



08-04-2015

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

Qaqugu Århusimi isumaqatigiissut, junimi 2014-imi naammassisoq, pillugu nalunaarut Naalakkersuisunit avammut saqqummiunneqassava?
(Inatsisartuni ilaasortaq Naaja H. Nathanielsen, Inuit Ataqatigiit)

Tunggavilersuut

2014-imi upernaakkut ataatsimiinnermi Sara Olsvigi Kalaallit Nunaata Århusimi isumaqatigiissummut ilanngunnissaanik siunnersuuteqarpoq, tasanilu innuttaasut avatangiisit pillugit paasissutissanik pissarsisinnaaneri, akuutinneqarneri aammalu maalaaruteqarsinnaaneri pineqarput¹.

Naalakkersuisooqatigiit siuliisa siunnersuut itigartippaat. Naalakkersuisullu Århusimi isumaqatigiissummut nalunaarut utaqqimaarneqartoq paasissutissiissutigivaat. Nalunaarusiamilu Århusimi isumaqatigiissummut tunggatillugu inatsisitigut inissisimanerput misissorniarneqarpoq.

10. juli 2014-mi § 37 naapertorlugu apeqquteqarninnut akissummi nalunaarusiaq naammassisimasoq, taassumalu kalaallisuunngortinneqarnera utaqqineqartoq paasitinneqarpunga². Taamaniilli qaammatit qulingiluut qaangiutilerput.

Nalunaarusiaq nutserneqarsimanerpa, taamaappallu qaqugu saqqummiunneqassava, qanoq imaqarpa qanorlu atorneqarniarpa?

Apeqqutima ullut suliffiusut qulit iluanni akineqarnissaat kissaatigivara.

¹ Dansk:

http://inatsisartut.gl/dvd/FM2014/pdf/samlinger/fm2014/pdf/pkt151_fm2014_bf_aarhus_konvention_saol_inuit_ataqatigiit_dk.pdf

kalaallisut:

http://inatsisartut.gl/dvd/FM2014/pdf/samlinger/fm2014/pdf/pkt151_fm2014_bf_aarhus_konvention_saol_inuit_ataqatigiit_gr.pdf

² kalaallisut:

http://inatsisartut.gl/documents/para3637/2014/svar/140_aarhuskonventionen_najn_aki_ssut.pdf

dansk:

http://inatsisartut.gl/documents/para3637/2014/svar/140_aarhuskonventionen_najn_svar.pdf